



Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i Inicijative sa 29. sjednice Općinskog vijeća Ilijaš  
održane dana 27.03.2019.godine**

Ilijaš: April 2019.godine

**MEHMED SINANOVIĆ – vijećnik SDA**

Inicijativa: "Pokrećem inicijativu prema MUP-u Kantona Sarajevo da se na regionalnom putu u naselju Lješevo postavi stacionarni radar. Nakon obnove i rekonstrukcije pomenutog regionalnog puta u naselju Lješevo, te zbog pravca na istom, vozači se često ne pridržavaju brzine, čime ugrožavaju ostale učesnike u saobraćaju, te zbog toga pokrećem ovu inicijativu".

Odgovor: Inicijativa je dostavljena Ministarstvu unutrašnjih poslova Kantona Sarajevo, Ministarstvu saobraćaja Kantona Sarajevo i Direkciji za puteve Kantona Sarajevo, do slanja materijala za Općinsko Vijeće nismo dobili odgovor, po dobijanju istog bit će dostavljen Općinskom Vijeću.

**MIRZA BEKTIĆ – vijećnik SDA**

Inicijativa 1: "Pokrećem inicijativu prema Direkciji za ceste Kantona Sarajevo za postavljanje usporivača brzine u naselju Kadarići. Prilikom otvaranja dionice Kadarići-Ljubnići, došlo je do povećanja prometa motornih vozila na navedenoj dionici. Obzirom da se radi o pravcu dužine cca 500 m većina vozača svoju brzinu ne prilagođava naseljenom području, a na navedenoj dionici gravitira veliki broj djece većinom školskog uzrasta".

Odgovor: Inicijativa je dostavljena Ministarstvu saobraćaja Kantona Sarajevo i Direkciji za puteve Kantona Sarajevo, do slanja materijala za Općinsko Vijeće nismo dobili odgovor, po dobijanju istog bit će dostavljen Općinskom Vijeću.

Inicijativa 2: "Pokrećem inicijativu za uređenje prilaza mostu u Kadarićima. Na pomenutoj lokaciji kod mosta u Kadarićima dolazi do nepropisnog odlaganja otpada (kabasti, animalni i građevinski). Tražim od nadležne službe da izađe na teren i da utvrdi stanje na toj lokaciji".

Odgovor: Izlaskom na teren će se utvrditi činjenično stanje i nakon toga će se postupiti u skladu sa nadležnostima i pravilima struke.

Inicijativa 3: "Pokrećem inicijativu prema JKP "Vodostan" Ilijaš za uređenje puta u Kadarićima. U 2018. godini radila se kanalizaciona mreža na potezu od Mali podvožnjak prema naselju Avdibegovići u dužini cca 400 m. Interesuje me kad je u planu da se desna strana puta vrati u prvobitno stanje".

Odgovor: Inicijativa je dostavljena JKP "Vodostan" d.o.o. Ilijaš, do slanja materijala za Općinsko Vijeće nismo dobili odgovor, po dobijanju istog bit će dostavljen Općinskom Vijeću.

Inicijativa 4: "Pokrećem inicijativu za postavljanje zaštitne ograde na mostu u Kadarićima. Smatram da je na mostu u Kadarićima fizička barijera izuzetno niska. Na pomenutoj lokaciji imali smo slučaj gdje je učenika napao pas, učenik je preskočio ogradu mosta i bio je životno ugrožen gdje je doslovno visio na ogradi. Smatram da se treba uraditi kvalitetnija zaštita da ne bi došlo do neželjenih posljedica".

Odgovor: Izlaskom na teren će se utvrditi činjenično stanje i nakon toga će se postupiti u skladu sa pravilima struke.

**MUHAMED HANDŽIĆ – vijećnik BPS-Sefer Halilović**

Pitanje 1: "Kada će nadležna općinska inspekcija poduzeti odgovarajuće mjere prema nesavjesnim poljoprivrednim proizvođačima na području općine Ilijaš koji zagađuju okoliš i ugrožavaju zdravlje ljudi odlagajući otpad (stajsko đubrivo) na deponije potoka i rijeka koje protiču kroz našu općinu. Prilog: slika jednog od tih nesavjesnih proizvođača koji hiljade tona đubriva ispušta u potok i uništava živote ljudi koji nizvodno stanuju. Molim inspektora koji se bude obraćao ovim osobama i ovim vlasnicima poljoprivrednih gazdinstava neka opet kaže da ih je prijavio Muhamed Handžić, vijećnik u Općinskom vijeću, i da on nije prijavio mi vam ne bi došli. Ja ću ih prijavljivati sve dok ne stvore uslove i po Zakonu ne budu deponovali svoj otpad. Nama je interes da nam svaki radnik bude zaposlen, da svaki građanin Ilijaša bude zaštićen, ali prije svega, najveći interes nam je zdravlje ljudi".

Odgovor: U skladu sa članom 91. stav 2) Zakona o zaštiti okoliša („Sl. novine Federacije BiH", broj: 03/03, 38/09/).

Nadležno ministarstvo dužno je da izradi program kontrole koji predviđa bar jednu godišnju kontrolu na licu mjesta za postrojenja iz provedbenih propisa ukoliko postrojenje mora da prođe postupak procjene uticaja na okoliš, rad organa za procjenu uticaja bit će usklađen sa radom inspektora zaštite okoliša.

Odlukom o držanju stoke na području Kantona Sarajevo ("Sl. novine Kantona Sarajevo" br. 17/16 propisane su zoohigijenske i zootehničke mjere držanja stoke, područja na kojima je dozvoljeno držanje stoke, područja na kojima je zabranjeno držanje stoke, razvrstana po općinama, na području Kantona Sarajevo. U članu 21. navedene Odluke je definisano da nadzor nad primjenom ove odluke vrši kantonalni poljoprivredni inspektor smjera stočarstvo, zootehnika, odnosno općeg smjera.

Pitanje 2: "Kada će nadležne firme koje su vršile zimsko održavanje puteva izvršiti čišćenje kanala i posipnog materijala sa puteva? Obzirom da je završena sezona zimskog održavanja već 15. marta, očekujemo da se to desi u okviru ovog mjeseca".

Odgovor: Pitanje dostavljeno Direkciji za puteve Kantona Sarajevo i preduzeću "Halilović" d.o.o. Ilijaš koji su vršili zimsko održavanje puteva od interesa za Općinu.

**ANEL BUMBULOVIĆ – vijećnik SDA**

Inicijativa: "Ponovo pokrećem inicijativu prema Direkciji za ceste Kantona Sarajevo da se u Podlugovima na dionici puta između pružnog prelaza i raskrsnice za Brezu, izvrši postavljanje horizontalnih usporivača saobraćaja, te adekvatna vertikalna saobraćajna signalizacija. Obrazloženje: Na jednoj od prethodnih sjednica u toku 2018. godine sam pokrenuo istu inicijativu, ali na pomenutu nisam dobio adekvatan odgovor niti je došlo do realizacije iste. Treba spomenuti da navedenu dionicu puta svakodnevno koristi veliki broj učenika OŠ "Podlugovi" koji dolaze iz naselja INA, Ljubnići i ul. Obala Bosne".

Odgovor: Inicijativa je dostavljena Ministarstvu saobraćaja Kantona Sarajevo i Direkciji za puteve Kantona Sarajevo, do slanja materijala za Općinsko Vijeće nismo dobili odgovor, po dobijanju istog bit će dostavljen Općinskom Vijeću.

**ALMIR ŠPIODIĆ – vijećnik BPS-Sefer Halilović**

Inicijativa: "Pokrećem inicijativu nadležnoj općinskoj službi i građevinskom inspektoru da izvrše nadzor i pritisak na izvođače radova koji su na više mjesta u užem jezgru grada Ilijaša izvršili prokopavanje javnih površina, a nisu iste vratili u prvobitni položaj. Radi se o ulicama Ivana Franje Jukića, putu prema Šipadovim zgradama i naselju Karašnica".

Odgovor: Urbanističko-građevinski inspektor je izvršio terenski obilazak i dogovoren je terenski obilazak prokopa sa predstavnicima BH Telekomu.

Napomena: U prilogu je odgovor koji je pristigao iz Direkcije za puteve Kantona Sarajevo.

Služba za saobraćaj,  
stambeno-komunalne poslove i građenje



Broj: 04-27-9021/19 AK  
Sarajevo, 19.03.2019. godine

27. 03. 2019. 10:39

**KANTON SARAJEVO**  
**OPĆINA ILIJAŠ**

Služba za saobraćaj, stambeno-komunalne poslove i građenje  
Ul. 126. Ilijaške brigade br.6, 71 380 Ilijaš

**Predmet: Odgovor na vijećničke inicijative, dostavlja se**

Direkcija za puteve Kantona Sarajevo je zaprimila Vaš dopis br: 03/1-23-sl/19 od dana 02.04.2019. godine, a vezano za vijećničke inicijative vijećnika Almir Špiodić, Alen Hasković i Rasim Šehić.

Po vijećkoj inicijativi vijećnika Špiodić Almira vezano za neriješenost projekta saobraćajne signalizacije na pružnom prelazu "Alića rampa", obavještavamo vas o sljedećem:

- Navedeni pružni prelaz je u prethodnom periodu rekonstruisan gdje su nosilac aktivnosti bile JP Željeznice FBiH. Također Vas obavještavamo da održavanje svjetlosnih uređaja i opreme pružnog prelaza, u skladu sa Zakonom o cestama, nije u nadležnosti Direkcije za puteve, nego u nadležnosti JP Željeznice FBiH. Upravljanje i održavanje semafora se nalazi u nadležnosti Ministarstva saobraćaja Kantona Sarajevo.

Po vijećničkoj inicijativi vijećnika Hasković Alena vezano za sanaciju puta Čevljanovići – Gajevi, obavještavamo vas o sljedećem:

- Zimska sezona održavanja koja inače traje do 15.03.2019.g., je zbog vremenskih uslova produžena, a po završetku zimske sezone će se pristupiti radovima redovnog ljetnog održavanja saobraćajnica u sklopu čega će se izvršiti i sanacija udarnih rupa kao prioritetni radovi koji se obavljaju po završetku zimske sezone.

Po vijećničkoj inicijativi vijećnika Šehić Rasima vezano za sanaciju puta Nišići-Kamenica, obavještavamo vas o sljedećem:

- Zimska sezona održavanja koja inače traje do 15.03.2019.g., je zbog vremenskih uslova produžena, a po završetku zimske sezone će se pristupiti radovima redovnog ljetnog održavanja saobraćajnica u sklopu čega će se izvršiti i sanacija predmetne saobraćajnice u skladu sa dinamikom izvođača.

S poštovanjem,

Dostaviti:

- \*) Naslovu
- Evidencija
- a/a

**DIREKTOR**  
*Selmir Kovač*  
Selmir Kovač, dipl.ing.saob.

